

וידבר יהוה אל משה ואל אהרן לאמר
עד מתי לעדה הרעה הזאת אשר המה
מלינים עלי את תלנות בני ישראל אשר
המה מלינים עלי שמעתי אמר אלהם חי
אני נאם יהוה אם לא כאשר דברתם
באני כן אעשה לכם במדבר הזה יפלו
פגריכם וכל פקדיכם לכל מספרכם מבין
עשרים שנה ומעלה אשר הלינתם עלי
אם אתם תבאו אל הארץ אשר נשאתי
את ידי לשכון אתכם בה כי אם כלב בן
יפנה ויהושע בן נון וטפכם אשר אמרתם
לבז יהיה והביאתי אתם וידעו את הארץ
אשר מאסתם בה ופגריכם אתם יפלו
במדבר הזה ובניכם יהיו רעים במדבר
ארבעים שנה ונשאו את זנותיכם עד תם
פגריכם במדבר במספר הימים אשר
תרתם את הארץ ארבעים יום לשנה
יום לשנה תשאו את עונתיכם ארבעים
שנה וידעתם את תנואתי אני יהוה
דברתי אם לא זאת אעשה לכל העדה
הרעה הזאת הנועדים עלי במדבר הזה
יתמו ושם ימתו והאנשים אשר שלח
משה לתור את הארץ וישבו וילוו עליו
את כל העדה להוציא דבה על הארץ
וימתו האנשים מוצאי דבת הארץ רעה
במגפה לפני יהוה ויהושע בן נון וכלב
בן יפנה חיו מן האנשים ההם ההלכים
לתור את הארץ

וידבר יהוה אל משה ואל אהרן לאמר:
עד מתי לעדה הרעה הזאת אשר המה
מלינים עלי את תלנות בני ישראל
אשר המה מלינים עלי שמעתי אמר
אלהם חי אני נאם יהוה אם לא כאשר
דברתם באני כן אעשה לכם: במדבר
הזה יפלו פגריכם וכל פקדיכם
לכל מספרכם מבין עשרים שנה ומעלה
אשר הלינתם עלי: אם אתם תבאו
אל הארץ אשר נשאתי את ידי לשכון
אתכם בה כי אם כלב בן יפנה ויהושע
בן נון: וטפכם אשר אמרתם לבז יהיה
והביאתי אתם וידעו את הארץ אשר
מאסתם בה: ופגריכם אתם יפלו
במדבר הזה: ובניכם יהיו רעים במדבר
ארבעים שנה ונשאו את עונתיכם
עד תם פגריכם במדבר: במספר
הימים אשר תרתם את הארץ ארבעים
יום לשנה יום לשנה תשאו
את עונתיכם ארבעים שנה וידעתם
את תנואתי: אני יהוה דברתי אם לא |
זאת אעשה לכל העדה הרעה הזאת
הנועדים עלי במדבר הזה יתמו ושם
ימתו והאנשים אשר שלח משה לתור
את הארץ וישבו וילוו עליו
את כל העדה להוציא דבה על הארץ:
וימתו האנשים מוצאי דבת הארץ רעה
במגפה לפני יהוה: ויהושע בן נון וכלב
בן יפנה חיו מן האנשים ההם ההלכים
לתור את הארץ:

